



Adresseinformasjon fylles inn ved ekspedering.
Se mottakerliste nedenfor.

Dato: 27.11.2018
Vår ref: 14/01653-16
Deres ref:

Tildeling av driftskonsesjon etter minerallova for Skareberget i Time kommune. Tiltakshavar: Risa AS

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 46 00
E-POST mail@dirmin.no
WEB www.dirmin.no

GIRO 7694.05.05883
SWIFT DNBANOKK
IBAN NO5376940505883
ORG.NR. NO 974 760 282

SVALBARDKONTOR
TELEFON +47 79 02 12 92

1. Tildeling av driftskonsesjon

Direktoratet for mineralforvaltning med Bergmeisteren for Svalbard (DMF) viser til søknaden om driftskonsesjon datert 14.11.2014 frå Risa AS med org. nr. 980 404 129. Risa AS med org. nr. 980 404 129, heretter kalla «Tiltakshavar» eller «Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av mineralske ressursar i Skareberget massetak på eigedom gnr./bnr. 62/15 i Time kommune. Mineralførekomsten høyrer til kategorien mineral som grunneigaren eig.

Konsesjonsområdet har eit areal på kring 52 daa og går fram av kart «Skareberget – konsesjonsområde».

Etter reguleringsplan datert 12.02.2008 med plan-ID 282 og namn «Steinbrudd Skareberget» er området regulert til spesialområde for steinbrot.

DMF gjer merksam på at ein driftskonsesjon gjeven etter minerallova ikkje erstattar krav om løyve, godkjenning, arealplan eller konsesjon etter anna lovgjeving.

2. Vilkår for driftskonsesjonen

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF.

Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehand.

DMF kan krevje ny oppmåling og at ajourførte kart og profilar skal sendast inn når DMF finn det nødvendig.

2.2. Økonomisk sikkerheit



Tiltakshavaren blir pålagt å stille økonomisk sikkerheit med NOK 680 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti som ein påkravsgaranti for et beløp stort NOK 680 000 som beskrevet i punkt 5.11.

Innan 2 månader etter datoen på dette konsesjonsvedtaket skal Tiltakshavaren ha:

- (i) Inngått ein avtale om finansiell sikkerheit med DMF, vedlegg 2;
- (ii) lagt fram påkravsgaranti frå bank som DMF vurderer som tilfredsstillande, vedlegg 3.

2.3. Bergteknisk ansvarleg

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

2.4. Andre vilkår

- Den regulerte føremålsgrensa for massetaket skal setjast ut eller markerast i terrenget på ein slik måte at den er lett synleg gjennom heile driftsperioden.
- Sedimenteringsbassenget som er pålagt etter reguleringsbestemmelsene § 3 må være tilstrekkeleg dimensjonert til å førebygge at større mengder nedbør kan medføre at slamholdig overvatn vert tilført vassdraget.

3. Godkjenning av driftsplan

DMF godkjenner driftsplanen for Skareberget. Den godkjende versjonen av driftsplanen ligg ved dette konsesjonsvedtaket.

4. Høyringsfråsegner med kommentarar frå DMF

Søknaden om driftskonsesjon har vore på høyring, jf. forvaltningslova § 17, hos desse høyringsinstansane: Time kommune, Rogaland fylkeskommune, Fylkesmannen i Rogaland, Statens vegvesen Region vest, Norges vassdrags- og energidirektorat Region vest (NVE), Statnett SF, Direktoratet for samfunnssikkerhet og beredskap, Jærbetongbygget AS, Lyse Elnett AS og andre partar vedtaket kan få følgjer for.

Høyringsperioden var frå 09.07.2018 til 21.08.2018.

DMF har mottatt høyringsfråsegn frå Fylkesmannen i Rogaland, Statens vegvesen Region vest og Lyse Elnett AS.

Frå høyringsfråsegnene har DMF særleg merkt seg dette:

Fylkesmannen i Rogaland

Attgjeving av vesentlege delar av Fylkesmannen sitt høyringsfråsegn:

«Fylkesmannen har vurdert oversendt søknad fra Risa AS om driftskonsesjon og forslag til driftsplan for utvidelse av virksomhetens steinbrudd på Skareberget, 62/15 Time kommune. Vi er ikke kjent med forhold som er til hinder for at konsesjon kan gis.



Vi ber DMF presisere at sedimenteringsbassenget må være tilstrekkelig dimensjonert til å forebygge at større nedbørmengder kan medføre at slamholdig overvann tilføres Håvassdraget. Fylkesmannen har ikke andre bemerkninger til driftsplanen.»

DMF sin kommentar

DMF gjer Tiltakshavar merksam på Fylkesmannen i Rogaland sitt høyringsfråsegn. Krav til sedimenteringsbasseng følgjer, som Fylkesmannen har nemnt i sitt høyringsfråsegn, av reguleringsbestemmelsene § 3. DMF er likevel samd med Fylkesmannen kva gjeld kravet om at sedimenteringsbassenget må være tilstrekkeleg dimensjonert til å førebyggje at større mengder nedbør kan medføre at slamholdig overvatn vert tilført vassdraget. Vi ivaretek såleis Fylkesmannens innspel. Sjå vedtakets punkt 5.7 og 2.4 om «miljøkonsekvensar av utvinninga» og «vilkår».

Statens vegvesen Region vest

Attgjeving av vesentlege delar av Statens vegvesen sitt høyringsfråsegn:

«Skareberget steinbrudd er regulert i plan 282, vedtatt 12/2-18. Steinbruddet skal benytte eksisterende avkjørsel fra fv. 181 hp 01 ved ca. km 10,050 hs. Avkjørselen er regulert i plan 1007 i Hå kommune.

Vi forutsetter at krav fastsatt i gjeldende reguleringsplaner i varetas.»

DMF sin kommentar

DMF gjer Tiltakshavar merksam på Statens vegvesen sitt høyringsfråsegn.

Lyse Elnett AS

Lyse Elnett AS legg i sitt høyringsfråsegn til grunn at dei ikkje har nokon merknadar.

DMF sin kommentar

DMF tar Lyse Elnett AS sitt høyringsfråsegn til etterretning.

5. Korleis DMF vurderer søknaden om driftskonsesjon

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomstar på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønsmessig prøving før det blir avgjort om det skal gjevast driftskonsesjon. I vurderinga av om det skal gjevast driftskonsesjon skal det leggjast vekt på om søkjaren er "skikka" til å utvinne førekomsten. Dette inneber at ei n skal leggjast vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkjaren har tilstrekkeleg kompetanse til å drive førekomsten. I vurderinga av om det skal gjevast driftskonsesjon skal det òg leggjast vekt på omsyna som er nemnde i minerallova § 2.



DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevast konsesjon.

DMF har vurdert konsesjonssøknaden slik:

5.1 Utvinningsrett

Mineralførekomsten som skal utvinnast tilhøyrer kategorien mineral som grunneigaren eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekomsten. Tiltakshavaren har i søknadsprosessen lagt fram ein avtale med grunneigaren for gnr./bnr. 62/15 datert 30.11.2012, som dokumentasjon for utvinningsrett.

Avtalen/Avtalane gjev Tiltakshavaren utvinningsrett til førekomsten på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekomsten.

5.2 Arealstatus for tiltaket

Konsesjonsområdet har eit areal på kring 52 daa og går fram av kart «Skareberget – konsesjonsområde».

Etter reguleringsplan datert 12.02.2008 med plan-ID 282 og namn «Steinbrudd Skareberget» er området regulert til spesialområde for steinbrot.

5.3 Økonomien i prosjektet

DMF har vurdert årsrekneskapen med styret si årsmelding og notar for dei siste 2 åra. Vidare har DMF vurdert selskapets nåverande økonomiske situasjon. På grunnlag av opplysningane som er gjevne vurderer DMF bedrifta som økonomisk skikka.

5.4 Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitt-teikningar presenterer den planlagde brytinga av førekomsten innanfor arealet på 52 dekar som søknaden gjeld. Det totale volumet fast fjell som skal takast ut er estimert til 500 000 m³. Det årlege uttaket vil variere med marknaden, men det planlagde uttaket pr. år er 30 000 faste m³. Det er planlagt drift i tre etappar, med uttak frå nordvest mot søraust i eksisterande brot. Utdrivne områder som ikkje er nødvendige i den vidare drift, istandsettast fortløupande. Vidare presenteras plan for sikring og for avslutning. Brotområdet planleggast tilbakeført til LNF-område.



Etter DMF si vurdering kan den vedlagde versjonen av driftsplan for Skareberget godkjennast. Ein finn at planen tilfredsstiller dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjonar eller andre endringar i føresetnadene for drifta, til dømes geologiske og kvalitetsmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehand.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.

5.5 Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemd.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

5.6 Kva kompetanse søkjaren har til å drive førekomsten

I vurderinga av om søkjaren har tilstrekkeleg kompetanse er det den totale kompetansen som søkjaren har tilgang til som skal vurde rast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavar har i søknaden gjeve opp Torbjørn Sporaland som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

Etter DMF si vurdering har Tiltakshavaren tilstrekkeleg kompetanse til å drive førekomsten.

5.7 Miljøkonsekvensar av utvinninga

I vurderinga av om det skal gjevast driftskonsesjon skal det leggast vekt på omsynet til miljøet og kulturminne, og DMF kan setje vilkår i konsesjonsvedtak for å sikre kulturminne og miljøomsyn.

Det finst ein reguleringsplan for uttaket.

Biologisk mangfald – vurdering etter naturmangfaldlova

Naturmangfaldlova § 7 pålegg alle offentlege instansar som tek avgjerder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyringsfråsegner og egne søk i Naturbase og Artskart (gjennomførte den 20.06.2018) er lagde til grunn for vurderingane etter



naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Førre-var-prinsippet i naturmangfaldlova § 9 gjeld såleis ikkje.

Oppsummering av kjennsapsgrunnlaget

DMF har ikkje gjort funn av prioriterte eller trua arter, eller utvalde eller trua naturtypar i konsesjonsområdet.

Etter DMF si vurdering vil slikt uttak av massar som det er søkt om ikkje vere i konflikt med forvaltningsmålet for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

Naturmangfaldlova § 10

Etter naturmangfaldlova § 10 skal den samla belastninga på økosystem og naturmangfaldet i regionen vurderast. Uttaksområdet er omkransa av dyrka mark, veg massetak og skog. DMF vurderer at arealbeslaget i stor grad allereie er gjort i samband med tidlegare aktivitet. Massetaket førar med seg anleggsaktivitet så lenge uttaket er i gang. Veger, masseuttak og landbruk vurderast å bidra til den samla belastninga.

Konsekvensar av tiltaket for kulturminner

DMF har ved søk i naturbase ikkje gjort funn av freda kulturminner i konsesjonsområdet. DMF minner likevel om den generelle varslingsplikta etter kulturminnelova § 8.

Forureining

Massetaket kan føre til partikkelflukt til vatn og luft, med potensiale for påverking av vatn- og luftmiljø. Forureining i form av støv, støy og utslipp til vatn regulerast av forureiningsforskrifta kap. 30.

Fylkesmannen i Rogaland viser i sitt høyringsfråsegn til at «overvann frå masseuttaket ledes gjennom sedimenteringsbasseng til grøft/bekksom munnar ut i Håelva, som er et vassdrag med anadrom laksefisk og elvemusling.» På bakgrunn av dette ønska dei at DMF skulle presisere at sedimenteringsbassendet må være tilstrekkeleg dimensjonert til å førebygge at større mengder nedbør medfører at slamholdig overvatn vert tilført vassdraget. DMF er samde i dette, og stiller derfor vilkår i vedtakets punkt 2.4 og 5.7.

DMF gjer vidare merksam på meldeplikta til forureiningsmyndigheita, Fylkesmannen, ved oppstart eller endringar/utviding av verksemda.

DMF sin konklusjon

DMF har kome til at det ikkje finst avgjerande moment som talar mot å innvilje konsesjon.

Likevel har vi funne grunn til å setje desse vilkåra:

- Sedimenteringsbassenget som er pålagt etter reguleringsbestemmelsene § 3 må være tilstrekkeleg dimensjonert til å førebygge at større mengder nedbør kan medføre at slamholdig overvatn vert tilført vassdraget.

Det er tiltakshavaren som skal bere kostnadene ved tiltaka etter naturmangfaldlova §§ 11-12.



5.8 Forholdet til omgivnadene og nærliggjande område under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

Tiltakshavar opplyser at driftsområdet er sikra med bom med låseanordning etablert ved innkjøringa som er felles med Jærbetong AS og nødvendige skilter med nødvendig sikringsgjerde er satt opp der det er behov for dette. Og hele uttaksområde sikras med midlertidig sikringsgjerde.

DMF har kome til at dette ikkje er avgjerande moment som talar mot å innvilge konsesjon.

5.9 Kva tiltaket får å seie for verdiskaping og næringsutvikling

Førekosten det er søkt om driftskonsesjon for fell inn under råstoffgrupperingen sand, grus, pukk og leire (byggeråstoffer). Råstoffet blir brukt i produkt som det moderne samfunnet er heilt avhengig av og som blir brukt til bruk i bygg, vegar og anlegg.

Ifølge Tiltakshavar knusast ressursen til pukk som foredles til både bunden og ubunden bruk.

5.10 Langsiktig planlegging for etterbruk eller tilbakeføring av området

Ved avslutning opplyser Tiltakshavar at installasjonar fjernes og det klargjørast for gjenlegging. Masser frå depotet tilførast for å byggje opp terrenget etter tegninger T 916 med fall mot nord. Deretter leggjast jordlaget ut med min tykkelse på 40 cm og dyrkes opp. Stein frå dyrking kan leggjast i skråninga mot sør aust under masser frå depotet. Permanent sikring settast opp i søraust mot aust vil det vere skråning med maksimal helning 1:2.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.

5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelege krava til sikkerheit.

Tiltakshavar har foreslått å stille økonomisk sikkerheit som bankgaranti med eit beløp på 500 000 kr.

5.11.1. Pålegg om økonomisk sikkerhetsstillelse og vurdering av sikkerhetens størrelse

Etter DMF si vurdering er Tiltakshavaren sitt framlegg til kor stor sikkerheita skal vere ikkje tilfredsstillande. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekkje Tiltakshavaren si sikrings - og oppryddingsplikt.



Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 680 000 for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på sine egne erfaringstal for tilsvarende uttak, med tillegg for eksterne og uventa kostnader.

Tiltakshavar har gitt tilbakemelding på varsel om tildeling av driftskonsesjon i høve til fjerning av konstruksjon og beplantning. Med fjerning av konstruksjon meiner DMF fjerning av installasjonar, jamfør side 5 i driftsplanen. Med beplantning meiner DMF kostnader i høve til tilbakeføring av området til LNF-formål.

5.11.2. Sikkerhetsstillelsen form

Det skal stillast sikkerheit i ei slik form at den ikkje vil gå inn i konkursbue t i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved Bankgaranti.

Innan 2 månader etter at dette konsesjonsvedtak er truffet, skal Tiltakshavar stille ein bankgaranti som ein påkravsgaranti, som DMF finn tilfredsstillande, for eit beløp stort NOK 680 000.

DMF kan fremme krav under bankgarantien i følgjande tilfelle:

- (i) Etter utløpet av Tiltakshavars frist til å utføre nødvendige sikrings- og oppryddingstiltak som aksepterast av DMF;
- (ii) Ved konkurs, opphør eller anna avvikling av Tiltakshavars verksemd; og
- (iii) Ved tilbakekall av konsesjonen,

Ved melding til garantisten om at eit av tilfella i punkt (i) – (iii) over forleggjar har DMF rett til å få utbetalt det krav som gjørast gjeldande under bankgarantien, utan omsyn til motsegn frå Tiltakshavar.

Bankgarantien faller bort etter skriftleg samtykke frå DMF.

5.11.3. Rapportering og dokumentasjon

DMF finn det nødvendig at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal Tiltakshavaren kvart femte år gjere ei ny vurdering av om sikkerheita er tilstrekkeleg. Når vurderinga er gjord, skal Tiltakshavaren utarbeide ein rapport og sende den til DMF utan grunnlaust opphald.

DMF kan òg ha behov for meir rapportering og dokumentering enn det som er skildra over, og finn det difor nødvendig å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheten



DMF kan fatte vedtak om endring av den finansielle sikkerheten, herunder ved at det krevjast bankgaranti for eit økt beløp og/eller at det krevjast individuell fondsavsetning til bankkonto som DMF skal ha pant i, jf. forskrift til minerallova § 2-2. Avtala får verking også for slike vedtak og for eventuelle krav som måtte oppstå som følgje av endringar i minerallova med forskrifter.

Ved endringar i krava til sikkerheit plikter Tiltakshavar å stille med ny påkravsgaranti og/eller signere ein pantsettelseserklæring som skal sendast til banken, samt inngå ein ny avtale om finansiell sikkerhetsstilelse dersom denne skal bestå av anna enn bankgaranti alene.

6. Kor lenge driftskonsesjonen gjeld

Driftskonsesjonen kan reviderast etter 10 år.

Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell òg bort dersom:

- utvinningsretten for statens mineral blir sletta
- avtalen om rett til å utnytte førekomst av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikkje overdragast. Det gjeld òg ved overdraging av utvinningsretten.

7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

Meldeplikt ved oppstart og stans av drift

Seinast éi veke før oppstart av drifta skal tiltakshavaren sende melding til DMF. Tiltakshavaren skal òg sende melding til DMF før drifta mellombels blir stansa eller lagd ned i medhald av minerallova § 44.

Drifta skal utførast med varsemd

Drifta skal utførast med varsemd, slik at skadane ikkje blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.

Forsvarleg sikring og opprydding

Området skal sikrast slik at arbeidet ikkje medfører fare for menneske, husdyr eller tamrein. Etter minerallova § 49 omfattar sikringsplikta òg gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

Ansvarlet til bergteknisk ansvarleg



Bergteknisk ansvarleg har eit særskilt ansvar for å sjå til

- at drifta er teknisk forsvarleg og tek omsyn til arbeidstakarar, nærliggjande bygningar og omgivnadene elles
- at førekomsten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

Rapportering

Tiltakshavaren skal sende årleg driftsrapport til DMF via «Min side» på dirmin.no.

Når uttak av grunneigars mineral blir lagt ned, kan DMF stille krav om å sende inn sluttrapport, måledata og prøvemateriale. Dette gjeld dersom uttaket har mineraliseringar av vesentleg geologisk interesse.

8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.

Vennlig hilsen

Maria Lauritzen
seksjonsleder

Thomas Furunes
rådgiver

Dokumentet er elektronisk signert og har derfor ikke håndskrevne signaturer.

Saksbehandler: Thomas Furunes

Vedlegg:

Ska reberget - avtale om fi nansiell sikkerhetsstillelse.docx

Ska reberget - godkjent driftsplan.pdf

Ska reberget - konsesjonsområde.pdf



Skareberget - påkravsgaranti.docx

Mottakere:

Risa AS	Postboks 14	4367 NÆRBØ
---------	-------------	------------

Kopi til:

Time kommune	Postboks 38	4349 BRYNE
Rogaland fylkeskommune	Postboks 130 Sentrum	4001 STAVANGER
Fylkesmannen i Rogaland	Postboks 59, Sentrum	4001 STAVANGER
Statens vegvesen Region vest	Postboks 43	6861 LEIKANGER
Norges vassdrags- og energidirektorat Region vest	Naustdalsvegen 1B	6800 FØRDE
Statnett SF	Postboks 4904 Nydalen	0423 OSLO
Direktoratet for samfunnsikkerhet og beredskap	Postboks 2014	3103 TØNSBERG
Ivar Risa	Gudmestadvegen 398	4365 NÆRBØ
Pia Norunn Risa	Gudmestadvegen 398	4365 NÆRBØ
Monica Livastøl	Risavegen 9	4365 NÆRBØ
Halvard Livastøl	Risavegen 9	4365 NÆRBØ
Sven Risa	Risavegen 80	4365 NÆRBØ
Hilde Olene Risa	Risavegen 6	4365 NÆRBØ
Bjarte Ree	Risavegen 6	4365 NÆRBØ
Anne Gunn R. Mellestrand	Raunåkervegen 9	4342 UNDHEIM
Leiv Harald Njølstad	Mikkel Blikks gate 25	3714 SKIEN
Torbjørn Garborg	Garborgvegen 649	4346 BRYNE
Jærbetongbygget AS	Bjoavegen 191	5582 ØLENSVÅG
Lyse Elnett AS	Postboks 8124	4069 STAVANGER
Ingve Benedikt Berntsen		